

«Շիրակի ուսուցիչների միություն» գիտակրթական կենտրոն ՀԿ
վերապատրաստող կազմակերպություն

Ավարտական հետազոտական աշխատանք

Թեմա՝ Նախադասության տեսակների ուսուցումն ըստ հնչերանգի
ժամանակակից և ավանդական մեթոդների կիրառմամբ:

Կատարող՝ Լուսինե Ժորայի Ամբարյան
Գյումրու N38 հիմն. դպրոց, դասվար

Ղեկավար՝ Կարինե Ալեքսանյան

Գյումրի 2023թ.

Բովանդակություն

1.Ներածություն.....	3
Գլուխ1.Ժամանակակից մեթոդների կիրառման առանձնահատկությունները տարրական դասարաններում.....	5
Գլուխ 2.Նախադասության տեսակների դասավանդումը ըստ հնչերանգի.....	8
Եզրակացություն.....	20
Օգտագործված գրականության ցանկ.....	21

Ներածություն

Հետազոտության նպատակն է տեսականորեն մշակել և գործնականում կիրառել ըստ հնչերանգի՝ նախադասության տեսակների ուսուցման արդյունավետ մեթոդիկա: **Հետազոտական հարցն** է «Ինչպես կազմակերպել ըստ հնչերանգի՝ նախադասության տեսակների ուսուցումը 4-րդ դասարանում ժամանակակից մեթոդների օգնությամբ»: Մեր ուսումնասիրությունն իրականացրել ենք՝ առաջնորդվելով այն մեթոդական սկզբունքներով, որ տարրական դպրոցում նախադասության ուսուցումը արդյունավետ կընթանա, եթե

1.բացահայտվեն հանրակրթական դպրոցի I-IV դասարանների մայրենի լեզվի ծրագրով նախատեսված քերականական տարրական գիտելիքների ուսումնասիրման գործընթացի առանձնահատկությունները

2.մշակվեն քերականությունից սովորողների ձեռք բերած գիտելիքներն ու կարողությունները

3.մշակվում են և կիրառվում լեզվական վարժությունների և առաջադրանքների այնպիսի համակարգ, որը կնպաստի տարրական դպրոցում քերականական նյութի գործնական յուրացմանը:

Մեթոդական նշված սկզբունքները տարրական դպրոցում ի կատար ածելու համար

1. Դիտարկել ենք քերականության ուսուցման գործընթացը անձնակողմնորոշված, աշակերտակենտրոն, դրդապատճառային, հետազոտական և համագործակցային դարձնելու հնարավորությունները,

2. Ձևավորել ենք և մեր պրակտիկայում փորձարկել քերականական տարրական գիտելիքների և կարողությունների ձեռքբերման արդյունավետ միջոցների համալիր՝ հաշվի առնելով քննադատական մտածողության առաջնայնությունը շարահյուսական գիտելիքների ձեռքբերման և համապատասխան կարողությունների ձևավորման գործընթացում:

Թեմայի արդիականությունը:

Անցումային տարիներին Հայաստանի ողջ տնտեսությունը լուրջ ցնցումներ ապրեց, որը հանգեցրեց ազգաբնակչության կենսամակարդակի կտրուկ նվազման:

Ու թեև կրթական ոլորտը համեմատաբար բարենպաստ վիճակում մնաց,

այնուամենայնիվ, կարճ ժամանակ անց ակնհայտ դարձան կրթության առջև ողջ սրությամբ դրված մի քանի սկզբունքային խնդիրներ: Մեր նպատակն է բացահայտել և սահմանել աշակերտների համար նոր մեթոդներով աշխատանքի կազմակերպման այն ձևերը, որոնց ժամանակ որոնողական գործունեության ճանապարհով արդյունքի կհասնեն ոչ միայն բարձր, այլև միջակ և թույլ մտավոր կարողություններ ունեցող աշակերտները:

Հետազոտության գիտամեթոդական հիմքն են հանդիսացել լեզվաբանության, մանկավարժության, մայրենի լեզվի դասավանդման մեթոդիկայի, հոգեբանության դասականների այն հիմնարար սկզբունքները, որոնք ընդունված են և գործնականորեն հիմնավորված մանկավարժամեթոդական գիտությունների կողմից: Հետազոտության հիմքում ընկած են անցյալի և արդի լեզվաբանների, մանկավարժների, մեթոդիստների՝ մեր հիմնախնդրի առնչությամբ մոտեցումները:

Հետազոտության մեթոդները:

Հետազոտության մեթոդների ընտրությունը պայմանավորված է մեր մանկավարժական պրակտիկայի ընձեռած լայն հնարավորություններով, ուսումնասիրության նպատակներով, հիմնախնդրի բնույթով, առաջադրված վարկածով:

Աշխատանքի ծավալը և կառուցվածքը: Աշխատանքը բաղկացած է 21 համակարգչային էջից: Այն ընդգրկում է բովանդակություն, ներածություն, երկու գլուխ, դասի պլան, եզրակացություն, օգտագործված գրականության ցանկ:

Գլուխ 1. Ժամանակակից մեթոդների կիրառման

առանձնահատկությունները տարրական դասարաններում

Ժամանակակից մանկավարժական տեխնոլոգիաները կրթական ոլորտի կարևոր բաղկացուցիչ մասն են կազմում: Ուսուցման արդի խնդիրներից է կրթության որակի բարելավումը: Այսօր անհրաժեշտ է սովորողների մեջ ձևավորել ոչ միայն գիտելիքներ, կարողություններ, հմտություններ, այլ նաև այդ ամենը գործնականում կիրառելու կարողություն: Այդ նպատակով պետք է ուսուցումը դարձնել ավելի մատչելի: Մատչելիությունը հնարավորություն է տալիս ընտրել տարբեր մեթոդներ և ձևեր՝ ուսուցումը ճիշտ կազմակերպելու համար: Տարրական դասարաններում կիրառվում են ժամանակակից տեխնոլոգիաներ, որոնց կիրառման արդյունքում սովորողները ոչ թե մեխանիկորեն յուրացնում են պատրաստի գիտելիքներ, այլ իրենք ակտիվորեն մասնակցում են գիտելիքների ձեռքբերմանը: Ժամանակակից մեթոդների կիրառումը համապատասխանեցվում է տարրական դասարանների աշակերտների տարիքային առանձնահատկություններին: Շատ կարևոր է հիշել նաև հետևյալ հանգամանքը: Ե՛վ ավանդական, և՛ ժամանակակից մեթոդներով ուսուցում կազմակերպելիս՝ պետք է նկատի ունենալ, որ դպրոցի պահանջը որակյալ կրթություն տալն է:

Կրթությունը որակյալ կլինի այն դեպքում, երբ համաշխարհայնացման ներկա արագացող տեմպերում մենք կկարողանանք քայլել աշխարհի հետ համընթաց: Եվ աշխարհից չմեկուսանալու, բայց նաև նրան չձուլվելու համար մենք պիտի ձևով ընդունենք համաշխարհայնացումը, իսկ բովանդակությամբ ազգայինը, որի հիմքում ընկած են՝ 1.լեզվամտածողությունը, 2.ազգային գաղափարախոսությունը, 3 .ազգային արժեքամակարգը, 4 .ավանդույթները:

Թվարկվածը կարևոր է հատկապես երեխայի կրթության և դաստիարակության վաղ շրջանից նրա մեջ ներարկելը, քանի որ երեխան նման է ձերմակ թղթի, որի վրա պետք է գրել առանց ջնջումների, հակառակ պարագայում հետքերը կարող են տեսանելի մնալ նրա ամբողջ կյանքում: Մեր օրերում գնալով ավելի շատ է խոսվում նորագույն մեթոդների ներմուծման և կիրառության մասին: Քննենք նորագույն կամ ժամանակակից մեթոդների կիրառությունների

առանձնահատկությունները: Քանի որ նորագույն մեթոդները այսօր կենտրոնացված են «Զարգացնող կրթություն»¹ ընդհանուր հասկացության տակ, ապա ուսուցչի գործը դառնում է փոքր ինչ դյուրին, որովհետև մեծանում է նրա ընտրության հնարավորությունը մեթոդի հարցում: Նորագույն մեթոդները աչքի են ընկնում իրենց պարզությամբ, մատչելիությամբ և սրանցից ամեն մեկը որոշակի միտվածությամբ ծառայում է երեխաների մեջ այս կամ այն

Դասախոսություններ Լեզվի մեթոդիկա առարկայից, ՇՊՀ, Հումանիտար գիտությունների ամբիոն, դասախոսություն 11, էջ

ունակությունը զարգացնելուն: Ուսուցիչը նախապես պետք է սահմանի, թե այս կամ այն մեթոդի կիրառումով ի՞նչ է ակնկալում ստանալ աշակերտից և աշակերտի ո՞ր ունակությունն է զարգացնում, ո՞ր ունակության ձևավորման ուղղությամբ է աշխատում: Օրինակ «Ծրագրավորված ուսուցմամբ» ուսուցիչը լուծում է մի քանի խնդիր: Նախ նա իր և աշակերտների միջև ստեղծում է հետադարձ կապ, որի շնորհիվ կարող է իմանալ, թե աշակերտը որ թեման ինչպես է յուրացրել: Ապահովում է աշակերտի ինքնուրույն ստեղծագործական աշխատանքը: Հավասարապես ուշադրություն է հատկացվում բոլոր աշակերտներին: Այս դեպքում նյութը բաժանվում է իրար հետ կապված մասերի, որոնք տրվում են հատվածներով: Մի քանի վեկտորներով աշակերտները ստանում են գիտելիքներ և հենց իրենք կարող են ստուգել իրենց ու պարզել սեփական իմացության մակարդակը տվյալ նյութից: Կարծում ենք՝ տարրական դասարաններում, ներկայումս ուսուցման ամենահարմար ձևը «Բազմաբնույթ մտածողության տեսությամբ»² առաջնորդվելն է: Այս տեսութունը համակարգ է, որում ներառված ամենաբազմազան մեթոդները և ձևերը

միտված են աշակերտների համակողմանի զարգացմանը: Հեղինակը Հովարտ Գարդներն է, աշխատությունը կոչվում է «Գիտակցության կառուցվածքը», և լույս է տեսել 1983թ.: Տեսության էությունը հետևյալն է. «Չափազանց կարևոր է ճանաչել մարդու բոլոր մտածողությունները և դրանց զուգորդման տեսակները»: Գարդները առաջարկում է մտածողության 7 ձև, որոնց հետագայում ավելացնում է ևս 3-ը: ¹

Դրանք են խոսքային-լեզվական, տրամաբանական, մաթեմատիկական,

մարմնաշարժողական, տարածական, երաժշտական, ներանձնային, բնագիտական և հոգևոր: **Քննադատական մտածողությունը** աշակերտի մոտ պիտի ձևավորել դեռևս տարրական դասարաններում: Սա մտածողության մի եղանակ է, որը պահանջում է կարդալ, ընկալել նյութը, մտածել դրա մասին, վերլուծել, զուգորդել իրականության հետ, ակնկալել արդյունք, կյանքում կիրառելու կարողություն: Մտածողության այս ձևը ունի մեթոդների իր համակարգը, որոնց էլ ուզում ենք անդրադառնալ: Առաջինը արդեն քաջաձանոթ ԽԻԿ համակարգն է, որն ենթադրում է եռափուլ համակարգ՝ Խթանում, Իմաստի ընկալում և Կշռադատում:¹

Առաջին փուլում խթանվում են սովորողի առկա գիտելիքները տրված թեմայի շուրջ: Դա սովորողին պարտադրում է վերլուծել իր գիտելիքները և մտածել այն մասին, թե ինչ են այնուհետև մանրամասնորեն ուսումնասիրելու: Այս փուլի էությունն այն է, որ նորը առնչվում է հայտնիին, գիտելիքները բխում են իրարից, ուղղվում են սխալները: Այս փուլի մյուս նպատակը սովորողներին ակտիվացնելն է, իսկ դա հնարավոր է այն դեպքում, երբ սովորողը ձգտում է մտքերն արտահայտել իր բառերով:

Իմաստի ընկալման փուլում սովորողը շփման մեջ է մտնում նոր մտքերի հետ: Այդ շփումը կազմակերպվում է տեքստի ընթերցման, ֆիլմի դիտման և այլ ձևերով: Այս փուլում սովորեցնողի ազդեցությունը նվազագույնն է սովորողի վրա: Այս փուլում հնարավոր է նաև բարձրացնել երեխայի հետաքրքրությունը: Կշռադատման փուլը յուրացման գործընթաց է, որը բնութագրվում է իրական և երկարատև փոփոխություններով, քանի որ աշակերտները մտովի կապ են ստեղծում նոր մտքերի, տեղեկությունների և հնի միջև, ձգտում են սեփական բառապաշարով վերարտադրել: Այս մտածողության մեթոդներն են «Մտագրոհ», «Ուղղորդված ընթերցանություն», «Բանալի երևույթներ» և այլն:

^{1,2} Ս.Խաչատրյան, Ուսուցման ժամանակակից մեթոդների կիրառումը տարրական դասարաններում (օգնություն ուսուցչին), Գյումրի, 2006թ, էջ 6,10

Գլուխ 2. Նախադասության տեսակների դասավանդումը ըստ հնչերանգի

Մայրենիի դասանյութերը ընթերցելիս պետք է ուշադրություն դարձնել կետադրական նշաններին: Հարցական, հրամայական և բացականչական նախադասությունների կետադրությունը երեխաները գործնականորեն ճանաչում են դեռևս գրաճանաչության շրջանում՝ դասագրքում զետեղված ստեղծագործություններն ընթերցելիս, և օգտագործում բանավոր ու գրավոր խոսքում: Առողջանության նշանների մասին երեխաների ունեցած գործնական ունակությունների կրկնման ճանապարհով և հենվելով դրանց կիրառության վրա՝ գաղափար է տրվում ըստ արտասանության երանգի նախադասությունների 4 տեսակի մասին՝ հարցական, հրամայական, բացականչական, պատմողական:

Բնագիրն ընթերցելուց հետո երեխաներն ուշադրություն են դարձնում այն հանգամանքին, որ բնագիրն ընթերցելիս ձայնը շարունակ փոփոխվում է:

Հերոսները երբեմն հարցնում են, երբեմն՝ բացականչում, երբեմն՝ հրամայում, երբեմն՝ հանգիստ պատմում: **Եղանակն սկսեց վատանալ, ուժեղ քամի բարձրացավ, ձյուն տեղաց, բուք ու բորան սկսվեց:** Նրանք նկատում են, որ նկարագրական նախադասությունները կարդում են հանդարտ, միապաղաղ արտասանությամբ:

Ճամփորդների բացականչությունները կարդալիս բարձրացնում են ձայնը և երկարացնում բառերը. «Ի՛նչ ցուրտ է, դիմանալ չի լինում», - ասաց առաջինը: Հարցը տալուց ձայնը ուրիշ կերպ են բարձրացնում: **Ի՞նչ անեին ճամփորդները:** Իսկ տալուց ձայնը ուրիշ կերպ են բարձրացնում: **Ի՞նչ անեին ճամփորդները:** Իսկ ճամփորդի հրամանները կարդում էին կարճ ու կտրուկ. «Հարևա՛ն, գնա՛ փայտի»:

Կարդում են առաջադրանք 3-ը:

Այս «ընկերներն» օգնեցի՞ն, որ դու ճիշտ հնչերանգով կարդաս նախադասությունները:

օ - ինձ ճանաչո՞ւմ ես: ' - ճանաչի՛ր ինձ: ´ - ճանաչեցի՛ր ինձ:

Իմաստի ընկալման փուլ

Կատարում են 4-րդ առաջադրանքը:



Դու տեսնում ես, որ առաջին նկարում պատմում են, երկրորդում՝ հարցնում, երրորդում՝ հրամայում, չորրորդում՝ բացականչում:

Ըստ յուրաքանչյուր նկարի՝ կազմի՛ր մի նախադասություն և կարդա՛ համապատասխան հնչերանգով:

1. Մայրիկը կանգնած խոսում էր լսափողով:

2. Այդ ո՞ւր ես գնում, Արմե՛ն:

3. Արագ այստեղ կանչի՛ր բոլոր աշխատողներին:

4. Ջա՛ն, հիմա ես քեզ կհաղթեմ:

Այստեղից երեխաները եզրակացնում են՝

Ըստ արտասանության երանգի՝ նախադասությունները լինում են՝
պատմողական, հրամայական, հարցական, բացականչական:

Կշռադատման փուլ

Կարդա՛ և որոշի՛ր նախադասությունների տեսակներն ըստ արտասանության երանգի:

Վաղ գարնանը իր ճոճին

Ինչո՞ւ քնից չես ելնում,

Ծիտիկն ասաց բողբոջին.

Ի՞նչ ես գտել անկողնում.

-Ա՛յ իմ քույրիկ վարդերես,

Վե՛ր կաց, շողով լվացվի՛ր,

Կարոտե՛լ եմ ախր քեզ..

Լույսը քեզնով թո՛ղ բացվի:

Այս ընդհանուր տեղեկությունն ամրապնդելու և խորացնելու համար

նպատակահարմար է նախադասության այս տարատեսակների առանձին-առանձին ուսումնասիրությունը, որը իսկապես նոր բան կավելացնի այդ ընդհանուր տեղեկությանը, կխորացնի և կամբողջացնի այն:

Կարելի է նախադասության տեսակների ուսումնասիրությունը սկսել պատմողական բնույթի նախադասությունից:

Դասի թեման՝ «Բուրատինոն իմանում է ոսկե բանալու գաղտնիքը»,

Պատմողական նախադասություն:

Անհրաժեշտ նյութեր՝ դասագիրք, նկարներ, քարտեր

Մեթոդը՝ վերլուծական-համադրական, խմբային աշխատանք

Դասի նպատակները՝ ա)ուսուցողական՝

- կրնթերցեն բնագիրը՝ ձայնի համապատասխան հնչերանգով, հետևելով առոգանության նշաններին,
- բնագիրից կրնտրեն և կկարդան պատմողական նախադասությունները,

Երեխաները կարդում են բնագիրը, կատարում վերլուծություն:Նրանք նկատում են, որ մարդիկ միմյանց հետ խոսելիս պատմում են իրենց տեսածի, լսածի, կարդացածի կամ զգացածի մասին, որի ընթացքում օգտագործում են պատմողական բնույթի նախադասություններ:

Ճաշարանատերը փարչը վերցրեց և շուռ տվեց: Բուրատինոն ամբողջ ուժով սեղմվեց փարչի պատերին, որ վայր չընկնի:

Երեխաները ուսուցչի օգնությամբ տալիս են սահմանումը:

Պատմելու ձևով ասված նախադասությունը կոչվում է պատմողական նախադասություն:

Կատարում են խմբային աշխատանք, որի ժամանակ խմբերին բաժանվում է թերթիկներ հետևյալ առաջադրանքով.

Կարդա՝ և որոշի՝ր պատմողական նախադասությունները: Վերապատմի՝ր պատմվածքը:

Երկնքում ծագեց կարմիր արևը և իր ոսկե շողերը դրեց ամենուր՝ երկիրն արթնացնելու:

Առաջին շողը սահեց և ընկավ արտույտի բույնը: Արտույտը սթափվեց, դուրս թռավ իր բնից ու, բարձր-բարձր ճախրելով, սկսեց երգել իր արծաթահնչյուն երգը.

«Ա՛խ, ինչ լավ է վաղորդյան թարմ օդում, ինչ լավ է ազատ արձակ»:

Երկրորդ շողն ընկավ նապաստակի վրա, նապաստակն ականջները խլշեց և ուրախ վագ տվեց ցողապատ մագագետնով: Նա գնում էր հյութակի խոտ ճաշելու իր նախաճաշի համար:

Երրորդ շողն ընկավ հավաբույնը: Աքաղաղը թևերը թափահարեց ու կանչեց.
-Ծուղրուղո՛ւ...

Նյութը յուրացրած աշակերտները աջակցում են թույլ սովորողներին:

Կշռադաստման փուլ: «Շրջանաձև գրություն»:

Երեխաներից յուրաքանչյուրը տվյալ խմբային աշխատանքի ընթացքում պետք է ոչ միայն ինքնուրույն խորհի տրված թեմայի կամ նկարի շուրջ, այլև իր մտքերը համաձայնեցի խմբի անդամների հետ: Նրանց տրվում է տետր և գրիչ: Ամեն մեկն ըստ թեմայի գրում է մի քանի նախադասություն, այնուհետև տետրը փոխանցում է հարևանին, որը պետք է շարունակի իր խոհերը: Տեսրն ի վերջո փոխանցվում է առաջին միտքը գրողին:

Դասի թեման-«Սև արկղի գաղտնիքը», հարցական նախադասություն

Դասագիրքը՝ Վ. Սարգսյան, «Մայրենի 4 »:

Անհրաժեշտ նյութեր՝ դասագիրք, կավիճ, թղթից պատրաստված ծառ, կտրատված շրջաններ, քարտեր առաջադրանքներով; Մեթոդը՝ «Վերլուծական-համադրական», «Խմբային աշխատանք», «Իմաստության ծառ» հնարը:

Դասի նպատակները

- գաղափար կկազմեն հարցական նախադասության մասին,
- կձևավորվի հաղորդակցային կարողություն՝ տարբեր իրավիճակներում:
- կզարգանա աշակերտների բանավոր և գրավոր խոսքը:

Խթանման փուլ: Երեխաներին հանձնարարվում է ընթերցել «Հազարան բլբուլ» հեքիաթից քառյակներ՝ ուշադրություն դարձնել՝ ինչպե՞ս են արտասանվում ընդգծված նախադասությունները, ինչպիսի՞ն է դրանց կետադրությունը:

Բայց **ո՞վ** էս դու, սիրո՛ւն աղջիկ,

Եվ **ինչո՞ւ** էս էդպես աղի

Ի՞նչ էս էստեղ դու շինում,

Արցունք թափում, լաց լինում:

Կատարվում է վերլուծություն, որոշում, թե դևի ամբոցում փակված Արեգը սիրուն աղջկան ի՞նչ հարցեր է տալիս:

Իմաստի ընկալման փուլ: Դասարանը բաժանվում է խմբերի, յուրաքանչյուր խմբի հանձնարարվում է բնագրից կարդալ մեկական հատված՝ առանձնացնելով այն նախադասությունները, որտեղ հերոսները միմյանց հարցեր են առաջադրում:

1-ին խումբ

-ՈՒրեմն այսպես. Կատրաստենք մի սև, փոքրիկ արկղ, նրա մեջ ոչինչ չենք պահի և կկանչենք երկրի իմաստուններին, թող գուշակեն՝ ինչ կա և չկա արկղի մեջ:

2-րդ խումբ

-Դե՛, գուշակի՛ր, ամենագե՛տ, ի՞նչ կա այս փոքրիկ արկղի մեջ,-ասաց թագավորը,- եթե ճշգրիտ գուշակես, թագավորությանս կեսը քեզ կտամ:

3-րդ խումբ

«Իսկ գուցե ճի՞շտ է իմաստունը, ո՞վ իմանա՝ գորավարն ու վեզիրն աչք չունեն՞ իմ գահին, երեսանց ժպտում են ու քծնում, իսկ մտքում գուցե իմ մահն են ուզում»:


Կատարելով վերլուծություն երեխաները նկատում են, որ մարդիկ խոսելիս իրար հարցեր են տալիս՝ որևէ բան պարզելու կամ իմանալու համար: Ուսուցչի օգնությամբ երեխաները տալիս են սահմանումը.

Հարցում արտահայտող նախադասությունը կոչվում է հարցական նախադասություն:

Հարցում արտահայտող բառի վրա դրվում է հարցական նշան(՞): Հարցական նշանը դրվում է բառի այն ձայնավորի վրա, որտեղ հարց տալիս բարձրանում է ձայնի ելևէջը: Սովորաբար դա լինում է բառի վերջին վանկի ձայնավորը՝ **ինչո՞ւ, իսկապե՞ս, ինչպե՞ս, ինչպիսի՞, որտեղի՞ց, գնացի՞ր, հասկանո՞ւմ ես և այլն:** Բայց, օրինակ, **մի՞թե** բառի ճիշտ արտասանությունը պահանջում է հարցական նշանը դնել առաջին վանկի ձայնավորի վրա՝ **մի՞թե**, և ոչ թե՛ միթե՞:

Խաղ՝ «Իմաստության ծառ»: Երեխաները մեկ անգամ ևս ուշադիր ընթերցում են բնագիրը: Այնուհետև յուրաքանչյուրը թղթի վրա գրում է բնագրի

վերաբերյալ որևէ հարց: Բոլոր հարցերն ամրացվում են ծառին: Աշակերտները զույգերով մոտենում են ծառին «քաշում են» հարցը և փորձում պատասխանել: Մյուսները գնահատում են և՛ հարցը, և՛ պատասխանը: Վերջում որոշում են, թե ով էր դասարանի ամեն



Խմբային աշխատանք: Դասարանը բաժանել խմբերի, որոնցից յուրաքանչյուրը կստանա առաջադրանքների քարտ:

1-ին խումբ
Հետևյալ պատմողական նախադասություն դարձրո՛ւ հարցական:
 Կար մի դաժան թագավոր: Արկղը դատարկ էր:
 Իմաստունը գտավ լուծումը: Փոս փորողը փոսն է ընկնում:

2-րդ խումբ
Տեղադրի՛ր ի՞նչ կամ ինչո՞ւ հարցում արտահայտող բառերը:
 ... կըլինի, սաս՛, գրի՛ջ, ... իմ մեծ քրոջ ձեռքին
 Ինձ էլ սիրես գոնե մի քիչ: Գրում ես միշտ վարժ ու կարգին :

3-րդ խումբ
Պատմողական նախադասությունից ստացի՛ր մի քանի հարցական նախադասություն այնպես, որ հարցը մեկ առ մեկ վերաբերի նախադասության բոլոր անդամներին:
 1. Առավոտյան մայրիկը արթնացրեց Աշոտիկին:

Տնային հանձնարարություն: Գտրի՛ր պատմողական և հարցական նախադասություններ: Հարցում արտահայտող բառերի վրա դի՛ր հարցական նշան: (Էջ 128, առ.3)

«Իմաստության ծառ» հնարի օգտագործմամբ երեխաները տեքստի շուրջ կատարում են բազմազան ստեղծագործական բնույթի առաջադրանքներ, որոնք էլ նպաստում են ընթերցածի վերլուծությանը և ստեղծագործարար ինքնարտահայտվելու զարգացման:

Դասի թեման՝ «Թագավորն ու խաբեբան», հրամայական նախադասություն
Դասագիրքը՝ «Վ. Սարգսյան, Մայրենի 4»

Անհրաժեշտ նյութեր՝ դասագիրք, կավիճներ, քարտեր առաջադրանքներով, կախարդական արկղ, երկրաչափական պատկերներ՝ առաջադրանքներով:

Դասի մեթոդը՝ «Մտավոր գրոհ», «Համագործակցային ուսուցում», «Արտասովոր խաղ-ներկայացում», «Վերլուծական -համադրական»

Դասի նպատակները՝

- մշակել հեքիաթի շարադրանքի տարբեր հատվածներում կողմնորոշվելու, տրված հարցի պատասխանը գտնելու և կարդալու կարողություններ:
- կձևավորի հաղորդակցային կարողություն՝ տարբեր իրավիճակում օգտագործել հաղորդակցման ճիշտ ձևերը,
- զարգացնել սովորողների երևակայությունը, խոսք կառուցելու կարողությունը:
- ձևավորել և զարգացնել աշակերտների խոսքի մշակույթը,

Խթանման փուլ: «Մտավոր գրոհ»:

Երեխաները բաժանվում են 3 խմբի՝ ըստ շարքերի: Ղեկավարները կմոտենան արկղին և կվերցնեն քարտեր՝ որտեղ գրված է, թե ինչ առաջադրանք պետք է կատարեն:

1-ին խումբ

Կազմել երկխոսություն և ներկայացնել դերային խաղով, որում ընկերները իրար դիմում են խնդրանքով:

2-րդ խումբ

Կազմել երկխոսություն և ներկայացնել դերային խաղով, որում ուսուցիչը ինչ-որ բան է հրամայում:

3-րդ խումբ

Կազմել երկխոսություն և ներկայացնել դերային խաղով, որում մայրիկը ինչ-որ բան է կարգադրում:

1.Չի կարելի խոսել խմբով:

2.Երկխոսության ընթացքում պետք է նայել զրուցակցի դեմքին:

3.Խոսողի մտքերին կարելի է արձագանքել շարժումներով կամ նշաններով:
(«Համաձայն եմ», «Համաձայն չեմ», «Չհասկացա...»):

4.Հարկավոր է հարգանք դրսևորել խոսողի նկատմամբ և նրա խոսքը լսել մինչև վերջ:

5.Բացառվում են ծաղրանքը, ոչ բարեհաճ ու վիրավորական

մեկնաբանությունները:

Իմաստի ընկալման փուլ

Երեխաներին հանձնարարվում է կարդալ բնագիրը՝ ուշադրություն դարձնելով նախադասությունների կետադրական նշաններին և դրանց արտասանությանը:

Առաջադրվում է առանձնացնել այն նախադասությունները, որոնք արտահայտում են հրաման, խնդրանք, կարգադրություն: Օրինակ՝

-Թագավո՛րն ապրած կենա, մեր քաղաքում մի խաբեբա է հայտնվել:

-Է՛ն Աստված, ճիշտ եմ ասում:

-Չէ՛, Աստված ինձ թույլ չի տա, որ էդ բանն անեմ:

-Խորհրդակա՛ն, - հրամայում է թագավորը:

Այստեղից հետևություն, որ խոսելիս մարդիկ ոչ միայն հարցեր են տալիս իրար, այլև հաճախ հրամայում, խնդրում կամ կարգադրում են:

Հրաման, կարգադրություն կամ խնդրանք արտահայտող նախադասությունը կոչվում է հրամայական նախադասություն:

Հրաման արտահայտող բառի վերջին ձայնավորի վրա դրվում է շեշտ (՝) **խոսի՛ր**: Եթե հրամայական նախադասությունը արգելում է ինչ-որ բան անել շեշտը դրվում է մի մասնիկի վրա՝ **մի՛** խոսիր: Շեշտ ունեցող բառը արտասանվում է կտրուկ և ուժեղ հնչերանգով: **«Արտաստվոր խաղ-ներկայացում»:**

Այս խաղը կարելի է կազմակերպել ըստ հետևյալ առաջադրանքների.

1.Ներկայացրու անելանելի վիճակում գտնվող խաբեբային, որը չէր

կողմնորոշվում ինչպես խաբել թագավորին:

2.Ներկայացրո՛ւ թագավորի և խաբեբայի երկխոսությունը, որտեղ խաբեբան ոչ մի կերպ չի կարողանում խաբել թագավորին:

3.Ներկայացրո՛ւ թագավորի խորհրդատուի, որը չի կարողանում համոզել խաբեբային, որպեսզի ներկայանա թագավորին:

Կշռադատման փուլ

Դասարանը պետք է բաժանել 4-5 հոգանոց խմբերի: Խմբերի բաժանվելուց հետո հարկավոր է յուրաքանչյուր խմբի տալ մի քարտ համապատասխան առաջադրանքներով:

1-ին խումբ

Գտի՛ր հրամայական նախադասությունները:

Դու կապուտակ ծովո՛վ արի՛, Գարնան երգո՛վ, կանչո՛վ արի:

Թեթև՛, թեթև՛ թևո՛վ արի. Արի՛, արի՛, սիրո՛ւն ծիծեռ,

Ծովի փրփուր լանջո՛վ արի՛, Արի՛, արի՛, գարո՛ւն դու բեր:

2-րդ խումբ

Գտի՛ր հրամայական նախադասությունները և շեշտադրի՛ր հրաման արտահայտող բառերը:

Կարդա, ա՛յ իմ խելոք մանուկ,
Կարդա, գրի՛ր տարին բոլոր.
Կարդացողի խելքն է կտրուկ,
Միտքը՝ պայծառ ու լուսավոր:

3-րդ խումբ

Շեշտադրի՛ր հրաման արտահայտող բառերը:

Իմ թռռնիկնե՛ր,	Դիմավորեք.	Ձու չջարդեք...
Ժիր մանուկնե՛ր,	Պարտեզներում	Այս խրատս
Գարուն եկավ.	Այգիներում	Լավ իմացեք,
Գովքը արեք,	Հյուրընկալեք:	Թռչուններին:
Թռչուններին	Բույն չքանդեք,	Պաշտպանեցեք:

«Անսովոր խաղ-ներկայացումը» երեխաներին հնարավորություն է ընձեռվում ազատ ինքնարտահայտվելու: Այն թույլ է տալիս վերափոխել հեքիաթը և խաղալ այնպես, ինչպես հուշում են սեփական երևակայությունը, փորձը և հույզերը:

Դասի թեման՝ «Քաջ Նազարը» հեքիաթը, բացականչական նախադասություն
Դասագիրքը՝ Վ.Սարգսյան, «Մայրենի 4»:

Անհրաժեշտ նյութեր՝ դասագիրք, օժանդակ դասագիրք՝ «Պատկերազարդ քերականություն», կավիճներ, տարբեր զգացմունքներ արտահայտող նկարներ, կավիճներ, գունավոր շերտիկներ՝ խմբային աշխատանքի համար, Ա4 չափի թղթեր:

Դասի մեթոդը՝ Համագործակցային ուսուցում՝ «Մտավոր գրոհ», «Վերլուծական-համադրական» մեթոդներ:

Դասի նպատակները՝

- գաղափար կկազմեն բացականչական նախադասությունների մասին,
- կտվորեն նկատել ու գնահատել հերոսների զգացմունքները բնագրի տարբեր հատվածներում,
- կկարողանան վերարտադրել հեքիաթը համապատասխան հնչերանգով,
- կտեսնեն ու կգնահատեն բառերի պատկերավորությունը և արտահայտչականությունը:
- կզարգանան ընթերցողական կարողությունները

Խթանման փուլ: Երեխաների առաջադրվում է իրավիճակներ վերցված առօրյա կյանքից, որոնց համապատասխան կազմում են նախադասություններ:

Օրինակ՝ Ինչ արտահայտություններ եք արտաբերում, երբ՝

- հաղթում եք,
- վախենում եք,
- զարմանում եք,
- ինչ-որ բան չի ստացվում,
- ինչ-որ բան եք գտնում,
- ինչ-որ բան եք ցանկանում,
- անսովոր բան եք նկատում:

Իմաստի ընկալման փուլ

Գրատախտակին փակցվում է պաստառ, որի վրա նկարված են զանազան պատկերներ, որոնք արտահայտում են տարբեր զգացմունքներ: Երեխաներին առաջադրվում է նայելով նկարներին երևակայել, թե նրանցից յուրաքանչյուրը ինչ զգացմունք է արտահայտում: Կազմել նկարների բովանդակությանը համապատասխան հնչերանգով նախադասություն:



-Ջան, Ոսկե Ռիոն, գնալու բանալին գտա: խաղալու:



-Երանի՛, Ոսկե բանալին գտնեի:



-Վա՛յ, բոքոնիկը

ճանապարհին է կորցրել:



- Ա՛խ, ափսո՛ս, ինչ -

մեծ ձուկ էր... եմ

Երեխաները, կատարելով վերլուծություն, տեսնում են, որ հերոսներից յուրաքանչյուրը այս կամ այն պատճառով ինչ-որ հույզ է արտահայտում. Բուրատինոն ուրախ է, Բուրատինոն տխուր է, արջուկը տխուր է, տղան ուրախ է: Այս բոլոր հույզերն ու զգացմունքները մեր հերոսներն արտահայտում են տարբեր բացականչություններով: Առանձնացնելով բացականչություն արտահայտող բառերը՝ նկատում են, որ այդ բառերի վերջին վանկի ձայնավորի վրա դրված է բացականչական նշան (´): Բացականչական նշան ունեցող բառը երկար է արտասանվում: Երեխաները ուսուցչի օգնությամբ տալիս են սահմանումը:

Ուրախություն, հիացմունք, ցանկություն, զարմանք, ափսոսանք, վախ և այլ զգացմունքներ արտահայտող նախադասությունը կոչվում է բացականչական

Կշռադատման փուլ: Հանձնարարվում է մեկ անգամ ուշադիր կարդալ բնագիրը և դուրս գրել բացականչական նախադասությունները:

Խմբային աշխատանք: Աշակերտները բաժանվում են 3 խմբի՝ յուրաքանչյուրում յոթական աշակերտ (այն համապատասխանում է առաջադրանքի հարցերի քանակին): Ձևավորվում է երեք խումբ՝ ըստ տրաված գույների՝ կարմիր, կապույտ, ծիրանագույն:

1-ին խումբ. շերտիկի գույնը՝ կարմիր:

Կարդա՛ առոգանությամբ և որոշի՛ր բացականչական նախադասությունները:

-Հէ՛յ, լավ մանրո՛ւք,	Ապարանջա՛ն...	Խունջիկ-մունջիկ
Ասեղ, հուլո՛ւնք,	Հա՛վ, ձու բերե՛ք,	Հարսն ու աղջի՛կ,
Մատնի՛ք, մարջա՛ն,	Առե՛ք, տարե՛ք,	Էժա՛ն կտա՛մ, լա՛վը կտա՛մ...

2-րդ խումբ. շերտիկի գույնը՝ կապույտ:

Գտի՛ր բացականչություն արտահայտող բառերը և դի՛ր բացականչական նշանը:

Ախ, էսպես էլ գիժ ամի՞ս,	Ա՛խ, ինչ լավ է սարի վրա
Մարդու հանգիստ չի տալիս...	Անցնում օրերն անուշ-անուշ...

3-րդ խումբ. շերտիկի գույնը՝ ծիրանագույն

**Գտի՛ր հրամայական և բացականչական նախադասությունները:
Համապատասխան բառերի վրա դի՛ր շեշտ կամ բացականչական նշան:**

Արև՛, արև՛, դու մեզանից Ձմեռն եկավ և ամեն ինչ

Երբ հեռացար դեպ հարավ, Հափշտակեց ու տարավ:

Այսպիսով, աշխատելով ԽԻԿ համակարգով՝ ուսուցչակենտրոն ուսուցումը փոխարինվում է աշակերտակենտրոն ուսուցմամբ, որի միջոցով էլ հնարավոր է տալ աշակերտների ողջ կյանքի ընթացքում ծագող «ինչու»-ների պատասխանները: Սովորողները արդյունավետ կերպով սովորում են իրարից միասին աշխատելու արդյունքում:

Խաղային գործունեությունը խթանում է աշակերտների երևակայությունը, մտածողությունը, խոսքը, զգացմունքները: Բացի դրանից, խաղային իրավիճակը նպաստում է, որ մասնակիցները հաղորդակցվեն և ակտիվորեն համագործակցեն: Սա է խաղի դաստիարակչական նշանակությունը: Երկխոսությունը դասերի ժամանակ յուրատեսակ դիդակտիկ հախորդակցման մթնոլորտ է, որն աշակերտներին օգնում է տիրապետել ոչ միայն մտածողության երկխոսական միջոցին, այլև ապահովում անդրադարձը, զարգացնում անձի ճանաչողությունը, ապահովում է հուզաարտահայտչական ապրումը:

Եզրակացություն

1.Տարրական դասարաններում կիրառվող ժամանակակից մեթոդների օգնությամբ ուսուցման գործընթացը դառնում է ավելի մատչելի, քանի որ դրանք ավելի շատ շեշտը դնում են ցուցադրական տեսազննական տարրերի կիրառման վրա:

2.Նախադասության ուսուցման ծրագրային բովանդակության մեջ անհրաժեշտ է ներառել մի շարք գործնական կարողություններ, որոնց բացակայությունը հանգեցնում է խոսքային մի շարք սխալների (ինչպես բանավոր, այնպես էլ՝ գրավոր խոսքում)

3.Շարահյուսական գիտելիքները՝ մասնավորապես նախադասության տեսակների ուսուցանելու հարցում կարևորում ենք քննադատական (վերլուծական) մտածողության ձևավորումը՝ իրականացնելով բազմաքայլ աշխատանք: Այդ գործընթացում մենք կարևորում ենք լեզվական ցանկացած տեղեկատվությունը դիտարկելը, քննելը, ընդունելը, ձեռք բերած գիտելիքների և կարողությունների շուրջ ինքնուրույն աշխատանք ծավալելը, սեփական կարծիքը արտահայտելը, հիմնավորելը, ուրիշների կարծիքը լսելը և իմաստավորելը: Միաժամանակ մենք կարևորում ենք աշակերտների՝ սեփական համոզմունքներից անհրաժեշտության դեպքում հրաժարվելու (այսինքն՝ իրեն, իր գիտելիքներն ու դատողությունները գնահատելը), նոր գաղափարների առջև «բաց» լինելու ունակությունների ձևավորումը: Սրանք քննադատական մտածողություն ծավալելու արդյունավետ գործընթացը բնութագրող կարևոր բաղադրիչներն են:

4.Տարրական դասարաններում մայրենիի ուսուցման բովանդակությունը, մեթոդները ու միջոցներն անհրաժեշտ է համապատասխանեցնել կրտսեր դպրոցականների ստեղծագործական, մտավոր գործունեություն ծավալելու կարողությունների ձևավորման նպատակներին:

ԳՐԱԿԱՆՈՒԹՅՈՒՆ

- 1.«Նախաշավիղ» մեթոդանակ հանդես, «Լույս» հր., Եր., 2004թ.:
2. »Նախաշավիղ» մեթոդանակ հանդես, «Լույս» հր., Եր., 2011թ.:
3. «Նախաշավիղ» մեթոդանակ հանդես, «Լույս» հր., Եր., 2012թ.:
- 4.Խաչատրյան Ս., Ուսուցման ժամանակակից մեթոդների կիրառումը տարրական դասարաններում, (օգնություն ուսուցչին), Գյումրի, 2006թ, հրատարակված է Գյումրու Մ.Նալբանդյանի անվան ինստիտուտի գիտական խորհրդի երաշխավորությամբ:
5. Հայոց լեզվի դասավանդման հարցեր, ժողովածու, հեղինակներ՝ Ռ.Բաղրամյան, Զ.Ալեքսանյան, Հ.Մխիթարյան, Ա.Տեր-Գրիգորյան, Երևան, «Հայպետուսմանկհրատ», 1958թ.:
- 6.Սարգսյան Վ., Ուսուցչի ձեռնարկ, «Լույս» հր., Եր., 1997թ.:
7. Գյուլամիրյան Զ., Հայոց լեզվի ուսուցման մեթոդիկա, «Լույս» հր., Եր., 2006թ.:
8. Թորոսյան Կ. և ուրիշներ, Մայրենի-3, Մայրենի-4, Եր., 2012թ.: